



TIJORAT BANKLARIDA MUAMMOLI KREDITLARNI BOSHQARISHNING INSTITUTIONAL VA MAKROIQTISODIY JIHATLARI

Jumaboyev M. P. (jmaqsuduz@gmail.com)

+998 91 432 38 00

**O'zbekiston Respublikasi Bank-moliya akademiyasi Biznes boshqaruvi MBA
(General) 24-36 guruh magistranti**

***Annotatsiya.** Ushbu maqolada jahon bank tizimidagi eng dolzarb muammolardan biri bo'lgan muammoli kreditlar (NPL) darajasining o'sish tendensiyalari va ularni samarali boshqarish masalalari tadqiq etilgan. Tadqiqotda 2025-yil 1-yanvar holatiga ko'ra rivojlangan va rivojlanayotgan davlatlardagi NPL koeffitsientlari qiyosiy tahlil qilinib, muammoli kreditlarning kelib chiqishiga ta'sir etuvchi makroiqtisodiy (YAIM, inflyatsiya, ishsizlik, energiya inqirozlari) va mikroiktisodiy (bank va firma omillari) omillar tizimlashtirilgan. Shuningdek, NPL darajasining banklar rentabelligi, kapital yetarliligi va likvidligiga salbiy ta'siri hamda ularni tizimli yondashuv asosida restrukturizatsiya qilish (qayta tuzish) va zaxiralar yaratish mexanizmlari yoritib berilgan.*

***Kalit so'zlar:** muammoli kreditlar (npl), tijorat banklari, moliyaviy barqarorlik, makroiqtisodiy omillar, kredit riski, rentabellik, kapital yetarliligi, kreditni qayta tuzish, aktivlar sifati.*

So'nggi yillarda jahon bank tizimida qarz beruvchi va qarz oluvchi mamlakatlarda tijorat banklarining ko'payishi bilan bog'liq holda muammoli kreditlar (NPL) koeffitsientlarining o'sishi kuzatilmoqda. "Muammoli kreditlarning jami bank kreditlariga nisabati 2025-yil 1-yanvar holatiga eng yuqori o'rinda Ekvatorial Gvineyada 58,41 foiz, Ukrainada 58,12 foiz, Chad Respublikasida 37,7 foiz, Qirg'izistonda 22,15 foizni, iqtisodiyoti rivojlangan mamlakatlardan Shvetsiyada 0,8 foiz, Kanadada 0,44 foiz va AQShda 0,82 foizni tashkil etgan"¹. Banklarda muammoli

¹ https://www.theglobaleconomy.com/rankings/nonperforming_loans/



kreditlarni boshqarishga birgina harakatning o'zi kifoya qilmaydi, aksincha tizimli yondashishni amalga oshirishni talab etadi, bunda asosiy e'tibor qarz oluvchilar o'rtasidagi munosabatlardan kelib chiqadigan yo'qotishlarni kamaytirish maqsadga muvofiqdir. Ushbu yondashuv muammoli kreditlarni boshqarish tizimini obyekt, subyekt, prinsiplar va mexanizmning tarkibiy va funktsional yaxlitligi sifatida belgilashni o'z ichiga oladi [1].

Rivojlanayotgan va o'tish davri iqtisodiyoti sharoitidagi davlatlarda muammoli kreditlarni tartibga solish va nazorat qilish masalalari, qadrsizlangan aktivlar bilan ishlash bo'yicha hamda banklarning likvidligi va to'lovga layoqatliligi to'g'risidagi ta'sirchan qonunlar zarurligini keltirib chiqarmoqda.

Tijorat banklari qarz oluvchilarga moliyaviy barqarorlikni tiklashga yordam berish maqsadida kreditni qayta tuzish imkoniyatlarini o'rganishi, to'lov muddatini uzaytirish yoki vaqtinchalik yengilliklarni ta'minlash uchun qarz oluvchilar bilan yaqindan hamkorlik qiladi. Bundan tashqari, banklar tashqi ekspertlar bilan hamkorlik qilishlari, me'yoriy huquqiy asoslarni himoya vositalarini qo'llashi va tartibga soluvchi ko'rsatmalarga muvofiq yuzaga kelishi mumkin bo'lgan yo'qotishlarni qoplash uchun zaxiralar yaratishi mumkin. Bank sektorida muammoli kreditlarning yuqori darajasi va o'sish tendentsiyasi ushbu kreditlar bo'yicha ajratilgan aktivlarning ko'payishiga va natijada tijorat banklar va butun moliyaviy sektorining rentabelligi hamda kapital etarliligining potentsial pasayishiga olib keladi. Tijorat banklari ushbu muammolarni faol va ehtiyotkorona tarzda hal etish orqali ishonchli moliyaviy vositachilar va o'zlari xizmat ko'rsatayotgan jamiyatlarning iqtisodiy farovonligiga hissa qo'shuvchi sifatidagi rolini qo'llab-quvvatlashni maqsad qilib boradi. [2].

Muammoli kreditlar tijorat banklarning ishlash standartini aks ettirgan holda halqaro me'yoriy huquqiy asoslarga ko'ra, moliyaviy institutlar tavakkalchilik darajasi va to'lanmagan kredit sifatini anglatuvchi ko'rsatkich sifatida o'z ishlamaydigan kreditlarning umumiy kreditlar nisbati to'g'risida hisobot berishini nomoyon etadi.



Ko'rsatkichlarning yuqori darajada aks etishi bank qarz summalarini undirmasa, yo'qotish riski katta ekanligini anglatadi, kichik nisbat esa to'lanmagan kreditlar bank uchun past riskini tug'diradi.

Bugungu kunga kelib muammoli kreditlarni samarali boshqarish tijorat banklar va moliya institutlarining samaradorligi hamda barqarorligi uchun muhim ahamiyatga ega bo'lib ushbu kreditlarni muntazam nazorat qilish banklarning uzluksiz ishlashi va uzoq muddatli daromadlilik tsiklini va hayotiyiligini ta'minlashda muhim rol o'ynaydi.

1-rasm. Muammoli kreditlarni makroiqtisodiy indikatorlar

Muommoli kreditlarning makro va mikro darajadagi tasodifiy omillarni aylanish sikli boy'icha xorijiy olimlar tomonidan olib borilgan tadqiqot natijalariga ko'ra barqaror o'sishga mustahkam bank tizimisiz erishib bo'lmashligini ko'rsatadi.

Shuningdek, yuqori qarz odatda o'sishni sekinlashtiradi va moliyaviy beqarorlikka olib keladi [3,4] (1-rasmga qarang).

1-rasmdan ko'rinib turibdiki muammoli kreditlarni makroiqtisodiy indikatorlar, xususan aholi jon boshiga past va yuqori foiz stavkalari qarz oluvchilarning to'lov qobiliyatining pastligiga olib keladi hamda oxir-oqibat umidsiz qarzlarning yig'ilishiga sabab bo'ladi. Muammoli kreditlarning makroiqtisodiy sabablari energiya inqirozi, siyosiy beqarorlik, ishsizlik, YaIM o'sish sur'ati, inflyatsiya va yuqori foiz stavkasi kabi omillarni o'z ichiga oladi [5]

Moliya institutlarida muammoli kreditlar zaxira kreditlar bo'yicha kutilayotgan zararlarni nazorat qilish mexanizmi sifatida qaraladi. Xorijiy amaliyotlar shuni ko'rsatmoqdaki, zaxiralar kreditlar bo'yicha sukut bo'yicha intsidentlarga sabab bo'ladi, muammoli kreditlar darajasi yuqori bo'lgan zaxiralarning yuqori stavkalari bilan bog'liq. Shuningdek, muammoli kreditlarni boshqarish nafaqat moliyaviy muammo, balki tijorat banklari samaradorligi, rentabelligi va umumiy barqarorligiga bog'liq bo'lgan asosiy ustundir.



Xususan to‘lanmaslik kreditorning pul oqimiga ta’sir etib, bu kredit tashkiloti uchun moliyaviy qiyinchiliklarni keltirib chiqarishi, o‘tkazib yuborilgan to‘lovlar to‘planib qolishi, natijada qarzdorning kredit reytingi va moliyaviy ahvoriga salbiy ta’sir ko‘rsatishiga yuzaga keladi. Shuningdek, asosiy qarz va foizlarni to‘lanmaslik qarz oluvchining kredit tarixi bo‘yicha salbiy hisobotga olib kelishi, buning natijasida qarz oluvchining kelajakdagi kreditlarini ta’minlash qobiliyatiga uzoq davom etadigan oqibatlarga olib kelishiga sabab bo‘ladi.

Muammoli kreditlar ko‘p hollarda qarz oluvchining nazorati ostida bo‘lmagan bir qator tashqi omillar bilan bog‘liq bo‘lib, ushbu tashqi omillar qarz oluvchining moliyaviy barqarorligiga va uning kredit majburiyatlarini bajarish qobiliyatiga sezilarli ta’sir ko‘rsatadi.

FOYDALANILGAN ADABIYOTLAR

1. Xolmamatov F.K. Respublikamiz bank tizimida muammoli kreditlarning amaliy holati va ularni kamaytirish yo‘llari // Scientific progress. 2021. №2. (дата обращения: 08.10.2023)
2. Kozarić K., Dželihodžić E. Ž. (2020) Effects of macroeconomic environment on non-performing loans and financial stability: Case of Bosnia and Herzegovina //Journal of Central Banking Theory and Practice. – 2020. – T. 9. – №. 2. – C. 5-17.
3. Kulliev I.Y. O‘zbekiston Respublikasi tijorat banklarining jismoniy shaxslarni kreditlash metodologiyasini takomillashtirish. i.f.d. ilmiy darajasini olish uchun yozilgan dissertatsiya. -TMI, 2023. – 83 b
4. Kumar, M., and J. Woo. (2010). “Public Debt and Growth.” Working Paper 10/174, International Monetary Fund, Washington.
5. Ikram, A., Su, Q., & Sadiq, M. A. (2016). Technical Efficiency And Its Determinants: An Empirical Study Of Surgical Instruments Cluster Of Pakistan.



GLOBAL CONGRESS ON EDUCATIONAL RESEARCH AND FUTURE SKILLS



Journal of Applied Business Research (JABR), 32(2), 647.

doi.org/10.19030/jabr.v32i2.9601

